



Ислом Нури

Бисмиллахири Роҳманири Роҳими

Барча Оламлар Роббиси бўлган Аллоҳ таъолога ҳамду санолар, пайгамбаримиз, Унинг оиласи ва барча саҳобаларига салавоту саломлар бўлсин.

Мухтарам ва азиз диндошлар, куни кеча рамазон киришини завқ билан кутиб олгандик. Мана бугун эса унинг кўпи кетиб ози қолибди. Ҳаш-паш дегунча рамазон тугаб ҳайит ҳам келиб қолади. Ҳаммангизга маълум рамазон ойи ойларининг энг улуги бўлганидек, бу ойлари ҳам кеча ва кундузларининг фазилатли ва улуглари бор. Улар рамазоннинг охириги ўн кунлиги. Уларнинг фазилати шу кечаларда яширинган «Лайлатул кадр-Кадр кечаси» сабаблидир. Кадр кечасининг кадрили куйида зикр қилинадиган оят ва ҳадисларни тааммул қилган киши англаб етади. Аллоҳ таоло Куръон Каримда деди: **«Албатта Биз у (Куръон)ни Кадр кечасида нозил қилдик.** (Эй Мухаммад саллаллоҳу алайҳи ва саллам), **Кадр кечаси нима эканлигини Сиз қаердан ҳам билар эдингиз?! Кадр кечаси минг ойдан яхшироқдир. У (кеча) да фаришталар ва Рух (яъни, Жаброил алайҳиссалом) Парвардигорларининг изни-ихтиёрийла (йил давомида қилинадиган) барча ишлар билан тушурлар. У (кеча) то тонг отгунча тинчлик-омонликдир.»** (Кадр сураси)

Духон сурасида эса шундай дейди: **«Очик-равшан Китоб-Куръонга касамки, албатта Биз уни бир муборак кечада нозил қилдик. Дарҳақиқат, Биз (инсу-жинларни ушбу Куръон билан охира азобидан) огохлантирувчи бўлдик»** (Духон: 2,3).

Абу Ҳурайра розияллоҳу анҳу ривоят қилади, расулуллоҳ саллаллоҳу алайҳи ва саллам дедилар: «Кимки Кадр кечасида иймон билан ва



Ислом Нури

савоб умидида бедор бўлса, унинг аввалда килган гунохлари кечирилади» (Муттафакун алайхи).

Пайгамбаримиз Мухаммад саллаллоху алайхи ва салламнинг одатлари доимо фазилатли ишларга шошиш ва Умматини унга таргиб килишдир. Расулуллох саллаллоху алайхи ва саллам бир ишга таргиб килсалар, ўзлари бу ишда ўртак бўлардилар. Оиша розияллоху анҳо ривоят киладилар: «Расулуллох саллаллоху алайхи ва саллам охириги ўн кунликда бошқасида мисли кўрилмаган даражада ибодатларга тиришар эдилар» (Имом Муслим ривояти).

Пайгамбар саллаллоху алайхи ва саллам бу кечаларнинг хаммасида намоз, Куръон тиловати, Оллохнинг зикри ва эътикоф каби турли хил ибодатлар билан бедор бўлардилар. Ўзларигина бедор бўлмасдан кўл остидагиларини ҳам бунга буюрар эдилар. Оиша розияллоху анҳо ривоят киладилар: «Пайгамбар саллаллоху алайхи ва саллам охириги ўн кунлик кирса, изорларини махкамлардилар (яъни, аёлларидан узлат килардилар) кечасини бедор ўткизардилар ва ахли-оиласини (ибодат учун) уйготар эдилар» (Муттафакун алайхи).

Ул зот ахли-оиласини ибодат, Аллохнинг зикри учун уйготардилар. Чунки, бу кечалар тезда тугаб коладиган жуда хам оздир, уни ганимат билиб, ибодатлар килиб қолишга лойикдир. Бугунги кунда одамлар Кадр кечасини ўткизиш учун уйларда жамланадилар, анвои таомлар тайёрлаб, дастурхон устида туни билан гурунглаб чиқадилар. Сахар бўлгач ўзларича биз лайлатул кадрда ухламадик, бизнинг гунохлар хам кечирилди деб, уй-уйларига таркаладилар. Уларнинг Кадр кечаси билан пайгамбар саллаллоху алайхи ва салламнинг Кадр кечаси ўртасида осмон билан ерча фарк бор.



Ислом Нури

Оиша онамиз розияллоху анхо расулуллох саллаллоху алайхи ва салламдан сўрадилар: «Эй расулуллох, агар мен Кадр кечасига мувофик келиб колсам нима деб дуо килай? Расулуллох саллаллоху алайхи ва саллам дедилар: «Аллохумма иннака афуввун тухиббул афва фаъфу анний» «Парвардигоро, Сен афв этувчисан, афвни яхши кўрасан, мени афв эт» денг, дедилар.

Бу улуг кечаларни ганимат билиб, унда мазкур дуони такрор-такрор килмогимиз даркор. Киши вақтидан унумли фойдаланмоги лозим, нафс малолланувчидир, шунинг учун киши кечани малолланмасдан ўткизиши учун турли ибодатлар билан машгул бўлиши керак. Масалан: аввал намоз ўқисин, намоздан чарчаса, ўтириб куръон тиловат килсин, маълум вақт куръон ўқигач, дуога кўл очиб, парвардигорга ёлборсин. Ёлбориш юкорида зикри ўтгани каби дуоларни кайта-кайта килишдир. Ва хоказо шу тартибни кайтадан такрорласа ҳам бўлади. Мухими вақтини беҳуда ўтқизмасин.

Кадр кечаси ойнаинг муайян бир кунда деб биров жазм кила олмайди. Чунки, одамлар кўпроқ ибодатда бўлишлари ва унга мувофик келишга тиришишлари учун Аллох субханаху ва таоло уни охириги ўн кунликда яшириб кўйди. Расулуллох саллаллоху алайхи ва саллам дедилар: «Кадр кечасини охириги ўн куннинг ток кечаларидан изланглар» (Имом Бухорий ривояти).

Ибн Таймийя роҳимахуллох дедилар: «Ток ўтган кунлар эътибори билан бўлиши мумкин. У холда кадр кечаси 21-кеча, 23- кеча, 25-кеча, 27- кеча ва 29- кечалардан изланади. Ток колган кунлар эътибори билан бўлиши ҳам мумкин. Бу ҳақда расулуллох саллаллоху алайхи ва саллам шундай дедилар: «Уни колган тўққизинчи кечадан, колган еттинчи кечадан, колган бешинчи кечадан изланглар» (Имом



Ислом Нури

Бухорий ривояти). Бунга кўра агар ой ўттиз кун бўлса, мазкур кечалар жуфт сонли кечаларда бўлади. Яъни, 22- колган тўккизинчи, 24- колган еттинчи ва хоказо. Абу Саъид ал-Худрий буни саҳих хадисда шундай изоҳлаганлар. Агар ой 29 кун бўлса, юкорида айтганимиздек бўлади. Яъни ўтган кунлар эътибори билан ҳам, колган кунлар эътибори билан ҳам ток кечалар айна кечага тўгри келади.

Демак, муъмин киши Кадр кечасини охирги ўн кунликнинг хаммасида излаши керак бўлади. Бунга расулуллох саллаллоху алайхи ва саллам куйидаги хадисда ишора қилганлар: «Уни охирги ўн кундан изланглар» (Имом Бухорий ривояти).

Кадр кечаси охирги етти кечада бўлиши кўпроқ, бунга Абдуллох ибн Умар розияллоху анхумонинг хадиси далолат қилади: «Пайгамбар саллаллоху алайхи ва салламнинг асхобларидан бир нечталари тушларида Кадр кечасини охирги етти кечадалигини кўрдилар. Пайгамбар саллаллоху алайхи ва саллам: «Мен сизларнинг тушларингиз охирги етти кечага мувофик келганини кўрмоқдаман. Кимки Кадр кечасини изламокчи бўлса, охириги етти кечада изласин» — дедилар. Имом Муслим қилган ривоятда: «Уни охирги ўн кунликдан изланглар, агар сизлардан бирингиз заифлик қилса ёки ожиз бўлса, колган етти кечада (уйкуга) мағлуб бўлмасин».

Охирги етти кечанинг тоқларининг эҳтимолга яқинроғи 27- кечадир. Бунга Убай ибн Каъбнинг хадиси далолат қилади: «Аллохга касам ичиб айтаманки, мен расулуллох саллаллоху алайхи ва саллам бизни туришга буюрган кеча қайси кечалигини биламан. У 27- кечадир» (Имом Муслим ривояти). Ундан сиз буни қандай билдингиз деб сўрадилар? У: расулуллох саллаллоху алайхи ва саллам хабар берган белги билан, деди. «Кадр кечасининг тонгида қуёш чикканида унинг



Ислом Нури

нури бўлмайди то кўтарилгунча худди тогорадек бўлиб тураверади» деганлар. Бу хабар саҳих бўлсада, киши ялковлик килмасдан Кадр кечасини топиш учун каттик тиришиши лозим. Юкорида зикр килганимиздек пайгамбар саллаллоху алайхи ва саллам охирги ўн кунликда ўзлари бедор бўлар ва ахли аёлларини ҳам уйготар эдилар. Алий ва Фотима розияллоху анхумоларнинг эшикларини кокиб, «Туриб намоз ўкимайсизларми!» дердилар. Кейин Уммахотул муъминийларнинг хужраларига юзланиб: «Хужра сохибаларини уйготинглар, бу дунёда канча-канча кийимлилар бор, Киёмат кунида ялангочдир» дердилар. (Имом Бухорий ривояти).

Аллох субханаху ва таолодан барчаларимизни Кадр кечасига муваффақ килиши, тутган рўзаларимизни ва таровех намозларимизни кабул килишини сўраймиз.